



**Philippi Ecclesiæ Eystettensis XXXIX. Episcopi. De  
Eivsdem Ecclesiæ Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philip *<Eichstätt, Bischof>***

**Ingolstadii, 1617**

XIX. Templa & Monasteria Aichstadiana.

---

[urn:nbn:de:hbz:466:1-70477](#)

suburbis constat. Indigenæ, ad humanitatem & pie-  
tatem propensi sunt, fastus & arrogantia expertes'.  
Vitam, quā mercimoniis, quā opificiis, quā terræ  
cultura tolerant, præter illos, qui aulicis officiis fun-  
guntur, vel Canonicorum Collegio, vel alicui Mona-  
sterio operam suam locant. Numerosum clerum ha-  
bet, ut fieri a solet, ubi Episcopalis Ecclesia est.

## CAPUT XIX.

*Templa & Monasteria Aichsta-  
diana.*

**D**e Rimas tenet Templum primum & cathe-  
drale, à S. Willibaldo exstructum, & Deiparae  
Virgini dicatum maius & laxius quām tem-  
plum eidem Matri consecratum, quod unicum vasta  
illa in solitudine Willibaldus repererat, ut in Hodœ-  
porico Willibaldino dicitur. Posteritamē Templum  
hoc sæpius mutarunt addendo, demendo, ornando,  
prout cuique successorum Willibaldinorum collibi-  
tum erat. Bruschius de Gerocho II. Episcopo. Con-  
struxit magnificam Basilicam Aureatensem. Idem de He-  
riberto Episcopo X V. construxit ex imis fundamentis  
longè ampliorem & angustiorem faciens summam Ecclesiam  
Aureatensem. Gundaccarus secundus absoluit Turres'  
summi Templi ab Antecessore suo Gebhardo incho-  
atas; idem coniunxit ripas Altimylæ ponte saxeo, qui  
etiamnum durat. Engelhardus X X X I V. Episcopus  
reædificauit ex imis fundamētis summam Basilicam  
hodie adhuc conspicuam, cum choro S. Willibaldi ad  
occidentem; quem tamen successoris suo Hiltbrando  
absoluendum reliquit; qui & absolvit & in eo duos'

Sacellanos instituit, quorum numerus postea auctus, ita ut chorus S. Willibaldi proprios Canonicos habeat; qui propriè S. Willibaldi & successorū Cappellani appellantur. Hinc Episcopo solenni ritu sacris operanti tanquam ministri & adiutores adsistunt. Rabano seu Rabanus XLVI. Episcopus Monasterium Ecclesiae cathedralis vetus & ruinosum inter duos choros, videlicet inter chorum maiorē D. Virginis, & chorū S. Willibaldi demolitus est; & patrem ipsius medium propriis impensis instaurauit, designatis certis redditibus, quorum subsidio pars altera perficeretur. Vbi per Monasterium intelligere videtur eam Templi partē, quam vulgo nauim vocamus. Denique alij alia in hoc templo vel repararunt, vel exornarunt, Sacellis, altaribus, picturis, & id genus aliis. A Templo primario disiungitur, sed spatio per quam pusillo Sacellum S. Ioannis, quod Reuerendissimus & Illustrissimus Princeps Iohannes Christophorus, Episcopus Eystettensis, vībus Societatis Iesu deputauit, donec laxius & capacius Templum exstruatur.

II. Est Templus Parochiale D. Virginis sacrum, in quo Marquardus XL. Eystettensis Episcopus Canonicorū Collegium instituit, quod hoc etiam tempore exstat. Puto hoc Templus esse illud, vel saltem esse in loco, & subiisse in vicem illius, quod, ut supra ex Hodœporico Willibaldino dicebamus, S. Willibaldus ex vastatione Attilæ reliquum & relictum in illa vasta eremo, reperit.

III. Templus sancti Spiritus in Xenodochio seu Hospitali ad ipsum Altimylæ pontem & litus. Iohannes III. hoc nomine, sed ordine L. Episcopus Eystettensis construxit de novo, inquit Bruschius, Xenodochium

chium Aichstadianum, ut pauperes & agroti haberent com-  
modas habitationes. Nec ~~convenit~~ de Templo Lepro-  
dochij, aut communis cœmterij extra ciuitatem in  
suburbio, quis enim nescit, his locis semper Ecclesias  
adiungi consueuisse? De priore Henricus Rebdorf-  
fensis in Annalibus. Anno M. CCC. XLVI. II. Kalend.  
Augusti obiit frater Henricus filius Gutæ (sic lego ex  
Codice Manuscripto) fundator domus leproorum extra  
muros Eystettenses, vir sanctæ vite & memorie recolenda.

Jactra muros ciuitatis duo sunt Monasteria, alte-  
rum vetustius sanctimonialium ordinis D. Benedicti  
in editiore urbis loco, vbi olim Templum S. Crucis  
stabat, quod postea translatum Eychstadium S. Walpur-  
ge reliquias à S. Walpurga, ut & totum Monasterium,  
nomen accepit, cuius primus conditor & fundator  
est Otkerus seu Ockarius sextus Ecclesiæ Eystettensis  
Episcopus, tametsi id postea ab Heriberto XV. Epi-  
scopo instauratum, amplificatum, & multis fundis  
ac prædiis locupletatum sit, non sine ope & opera  
Leodegarij seu Leutgarij Comitis Lechsmundij. Sub  
codem Episcopo Heriberto Templū Walpurginum  
exstructum est, & sub successore Gozmanno solenni  
ritu consecratum.

Prædicatores seu Ordinis D. Dominici Professores,  
Eychstadij sedem fixerunt sub Conrado huius  
nominis secundo Episcopo, pia liberalitate Sophiæ  
Comitissæ Hirsbergicæ, fratrumque Gebhardi & Ge-  
rardi Comitum Hirsbergensium.

Accessit nuper admodum Collegium Societatis  
Iesu, cura & studio Reuerendissimi & Illustrissimi  
Præfulis ac Principis Ioannis Christophori à VVesterstet-  
ten, qui Collegium Willibaldinum iam antea pro Se-  
minarij

minarij Professoribus ædificatum, Societati Iesu attribuit.

Extra ciuitatem ad Altimylam occurrit Marienstein, quasi dicas, lapis seu saxum Mariae, Monasterium Monialium conditum à viris nobilibus, præsidente Ecclesiæ Eystetterensi Wilhelmo L. I. Episcopo.

Paululum, si inde sursum ad Altimylam progressari, inuenies Rebdorffum Monasterium Canonorum Regularium S. Augustini, cuius conditor & primus fundator est Conradus XXIV. Episcopus Eystettensis. Nobilem in primis & manuscriptis Codicibus instructam Bibliothecam habet. Disciplinam huius Coenobij mirifice predicit noster Claudius Iaius, unus ex decem primis Patribus Societatis nostræ, in epistola quadam ad Ioannem Cochlaeum, cuius ipse met Cochlaeus meminitia defensione Concilij Tridentini contra Caluinum.

In finibus suburbij orientalis fuit olim Monasterium Scotorum, cum Templo formæ cyclicæ & rotundæ, quod à Dominico sepulchro nomé habebat. Monasterium interiit; Templum stetit, vsq; ad Illustrissimi Ioannis Conradi Episcopi Eystetterensis præsulatum; eius tempore, cum ruinam minaretur, eversum est, sed ea lege, ut eadem forma & magnitudo reparetur & reædificetur. Quod magnanimus ille Princeps morte abruptus cum eo perfecerit, successoribus perficiendum reliquit.

Causa, cur variis in locis Germaniæ Scotis Monasteria exstructa sunt, alia non est, quam gratitudo Germanorum erga bene de se meritos: quia enim ex Hibernia, quæ antiqua Scotia appellabatur, & ex ipsa Britannia, cui Anglia nomen est, (cuius Aquilonaris

part

parshodie Scotia dicitur) varios diuini verbi concionatores acceperant, & quum censuere, ut iisdem fixa & stabilia domicilia figerent, quod se, si forte necesse foret, reciperen, & vnde in agrum Dominicum operarij copiosi emitteretur. Qua de re audiamus Auentinum lib. 6. Annalium Boiorum. *Hibernia apud maiores nostros fæcunda religiosissimorum doctissimorumq; vatuum* fuit. *Inde Colambanus, Chilianus & plerique alij in Germaniam migrarunt, Scotos nunc nuncupant.* Diuus hinc Marianus cum sex condiscipulis Reginoburgium deuenit, in templo extra mœnia urbis habitauit. Magnus eò gentilium eius numerus, beneficentia Boiorum prouocati, breui confluxeré, intramœnia, vt dixi, templum amplissimum bonorum operum extrinunt, ubi difficilioris religionis obsequio, castimoniarum abstinentia satis ardua, scribendo, docendo, maximam sibi gloriam conquirunt, spectatum satis magnum exemplum pietatis, non solum Bosis, sed & finitimus erant. Omnibus placebant, uno ore omnes omnia bona de ipsis dicebant, famaque hac impulsus Heinricus Dux Boiorum, Fassium veterem Romanorum Coloniam, quam nunc Viennam vocant, instaurat, Scotis templum dicat. Sanctinum cum quatuor & viginti sociis Reginoburgio Viennam emigrare iubet. V Valdobrunnus de Rauchsboen Aichstadij suburbanum temp̄um, rotundum que extruit; Gerardo cum condiscipulis Reginoburgio euocato tradit. Emericus quoque V Virzeburgensis Episcopus Macarium ad primè doctum, abstemium q; è Boaria accersit, eidem, atque Conphilosophis templum in urbe condit. Gregorius & Charus primarius D. Petri Reginoburgensis Antistes, Conredo Cesari, Gertrudi uxori eius à sacris fuere, ab his q; Noresoberget templum D. Aegidij accepere. Vbi post eos Dedanus, Capellanus Imperatoris Friderici I à fundamento Scotus popularibus suis Morasterium exstruxit. Hæc Auentinus.

Eius-

Eiusmodi Monasterium Scotorum erat olim quoque Argentorati S. Thomæ Apostoli tutela clarum; conditum, ut aiunt, à Florentio III. Argentinensi Episcopo, natione Scoto, hoc est, Hiberno, qui ex patria cum aliquot sociis Euangelicæ doctrinæ disseminandæ gratia & venerat. Vide Guillimannum libro de Episcopis Argentoratensibus in *Florentio*. Postea tamen Monasterium hoc in Collegium Canonicorum vertit; & pluribus locis cœnobia ista interiore non solum ubi haeresis rerum moderatur habens, sed & apud Catholicos, siue id acciderit penuria incolarum, siue neglectu religiosæ disciplinæ, siue alia de causa. Etsi autem dubium non est, talia Xenodochia, seu diuersoria, seu hospitalia (sic enim nominantur etiam in vetustis monumentis) primitus ædificata fuisse præcipue pro Hibernis, qui veteres Scotti erant, vel potius pro omnibus, qui ex Britanicis Insulis in Germaniam fidei propagandæ gratia se contulerant, posteris tamen temporibus soli Scotti iuniores, qui veterum Scotorum, hoc est, Hibernorum colonia sunt, & septentrionalem Albionis (quæ nunc Anglia) partem tenent, ius in Scotica Monasteria sibi vendicarunt, & hoc itidem æuo vendicant, neque ullum, nisi fallor, Hibernum aut Anglum suam in congregationem cooptarent. De Scotorū in Germania Monasteriis vide etiam Hundium in Metropoli Salisburgensi p. 266.

Nunc vallis planiter relicta, adscendamus in montem S. Willibaldi, ubi statim nostros in oculos incurret *Arx Willibaldina*, sedes Episcoporum Eystettensium, condita primùm à Bertholdo XLV. Eystettensium præsule. Quam successores amplificarunt, & ad eam, quæ hodie visitur, magnificètiam adduxerunt, potissimum

potissimum Martinus à Schauumberg, Ioannes Conradus à Gemmingen, & qui hac ~~atate~~ thronum S. Wilibaldi insideret, Reuerendissimus & Illustrissimus Preſul & Princeps Ioannes Christophorus à VVesterfletten. Et quamvis mons ille totus Saxosus, fermè dixeram, Sa-  
xeus sit, ita tam ē arte & industria excultus est, vt hor-  
tos amoenissimos, & in hortis omnis generis exoticos  
fructus, flores, plantas non desideres, vt non immer-  
tò eximius poëta & Medicus Philippus Menzelius,  
Ioannem Conradum Episcopum alloquens cecinerit.

Ingeniine tui felix prædiuitis uber  
Ignorare potest, si quis saxa aspera dumis  
Et Bilibaldiaci iuga verticis, alba pruinis  
Respiciens penè aſiduis, miretur agrestem,  
Te subigente, loci genium mutasse, tuo q̄  
Dadaleo cultu, nunc ferre, quod India mittit,  
Alcinoi ſupraq̄ hortos, Paſtiq̄ roſeta.

In Arce ſacellum Aulicum erat, ſacra ſupelleſtile val-  
dè opulentum, quod non ita pridem cum parte qua-  
dam Arcis deiectum eſt, vt capacious, amplius & augu-  
ſtius resurgat.

## CAPVT XX.

De viris doctis, qui Aichſtadij  
claruerunt.

**N**on dubito, fuſſe ſemper aliquos Aichſtadij  
præſtanti doctrina Theologica vel Iuridica-  
viros, maximè cum ſuperioribus ſæculis illi  
etiam ab Epifcopali tiara non excluderetur, qui inge-  
nium ſeueriorum disciplinarū cultu perpoliuiffent;  
& titulis quoque ac honoribus Academicis insigniti  
k  
effent.